



**Deliberaziun dal preventiv 2021 a man da la radunanza cumünala dals 26 november 2020**

La suprastanza cumünala ha surlavurà il preventiv dal quint da success e dal quint d'investiziun per l'on da gestiun 2021 ed approvà tals a man da la radunanza cumünala chi ha lö la fin da november.

**OE Sarsura - decisiun da proseguimaint - adattamaint**

Davo cha la suprastanza cumünala vaiva decis da vulair far impissamaints per privatisar e's participar vi da l'ouvra, s'ha fat sclerimaints pro'l Uffizi d'energia chantunal. La suprastanza cumünala propuona da privatisar e realisar l'OE Sarsura inclus la nouva sablunera sur l'OESS SA. A la radunanza cumünala dals 26 november gnarà preschantà il proget cun üna dumonda fundamentala.

**Taxas aua suos-cha - augmuint da taxas pel 2021**

Per pudair finanzia la sanaziun da la sarinera Zernez chi cuosta var 7'000'000 chf d'essan ouravant gnir augmantadas las taxas d'aua suos-cha. La suprastanza ha decis d'augmentar las taxas fundamentalas per raduond 14% a charg dal preventiv. La calculaziun plü profuonda as farà prossem on.

**EW Zernez - fracziun da Brail - implantaziun e proseguimaint ill'organisaziun da la rait electrica - decisiuns da princip**

Il contrat da cumpra da la rait da scumpart e la furniziun da forz'electricica illa fracziun da Brail es illa fasa finala da trattativas. La suprastanza deliberescha il sböz dal contrat da cumpra tanter Repower e'l Cumün da Zernez cun la pussibilità da far amo adattamaints marginals fin al mumaint da la suottascripziun. Implü sun gnüts deliberats ils cuosts per la cumpra da rait electrica da la Repower, cuosts da contrats e da la masüraziun sülla tensiun bassa.

**EW Zernez - adattamaint predschs da forz'electricica per la fracziun da Zernez e da Brail**

Fin la fin d'avuost da minch'on as sto annunzchar a l'ELCom las novas tariffas da forz'electricica (energia e transport) per l'on seguaint. L'EE-Energia Engiadina chi'd es incumbenzada dal cumün ha propuonü da far ün pitschen adattamaint dal predsch da forz'electricica. La suprastanza cumünala adatta las tariffas a partir dals 01-10-2021 per la fracziun da Zernez e Brail.

**Parc Naziunal Svizzer - sustegn finanziel 2021-2024**

Il svilup da spüertas es ün elemaint central per render attractiv ün lö da vacanzas e sta illa competenza da mincha cumün da vacanzas stess. Id es gnü elavurà üna clav da scumpart per üna contribuziun annuala davart da tuot ils cumüns da la regiun EBVM e da la regiun Maloja implü üna contribuziun annuala davart dals cumüns dal parc. La suprastanza cumünala ha decis da vulair serrar giò quista cunvegna da prestaziun cul Parc Naziunal Svizzer cun la resalva da l'approvaziun dal preventiv correspondent.

**Büro electoral per las votaziuns dals 29-11-2020**

La suprastanza cumünala ha elet il büro electoral per las votaziuns dals 29 november 2020. Al büro electoral fan part: Emil Müller sco president, Brigitta Enkerli, Seraina Bickel, Beat Schärer e Corsin Scandella sco actuar.

**Survista dals progets e da las pendenzas**

La suprastanza cumünala ha discus sur da tuot ils progets e las pendenzas da mincha suprastanta e mincha suprastant. Uschè es la suprastanza orientada sur dals progets chi sun actualmaing in trais-cha.